

A) Razlicno dikiba ki vera. - ° Vera thaj znakija.

- O Znako tano pencardo belego ili demonstracija dendo za da te potvrdinelp e i poraka ili te podrzinelp e Devleso avtoriteti. Iako o znako generalno svatinelape sar cudotvorno nastan – sar ko bijav ki Kana (**Jovan 2:11**) – o fakti deka O Izraelcija kampinge ki planina Sinaj za da te pokloninenpe e Devlese (**Izlez 3:12**) isto agar ine dendo sar znako.
- O Fariseja zamolinge E Isuse te sikavel olenge znako za da te opravdinen piro nedostatok e veratar (**Marko 8:12**). Keda nekoj na mangela te veruinel, nijek znako nane te ubedinile.
- O Devel dengamen dovolno dokazija ko Plo Lafi thaj ki priroda za okolenge kola mangena te veruinen, te veruinen. Sepak, uvek isi tan ki sumna. Adalese ,O Isus dengalen posebno blagoslov „okolenge kola na dikle, a sepak veruinge” (**Jovan 20:29**).

° Merka tari vera: -

Postoinena razlicna merke tari vera:

- (1) I Vera taro apostolija: „Sar i mozno te na ovel tumen vera?” (**Marko 4:40**)
 - (2) I Vera taro Petar: „Tikneverako!” (**Matej 14:31**)
 - (3) I Vera e Dadesi: „Ava te pomozine za miro neverstvo” (**Marko 9:24**)
 - (4) I Vera tari Hananejka: „Bari tani tiri vera!” (**Matej 15:28**)
 - (5) I Vera taro stotniko: „Nikoj ko Izrael na araklum odozom bari vera” (**Luka7:9**)
 - (6) I Vera taro Stefan: „Manus perdo veraja” (**Dela 6:5**)
- Dokazimo jakencar deka i vera saj te bajrol sar so iklovena o koreno taro neverstvo. O ubediba mora pohari te zamenini i sumna. Amari molba trebela te ovel: „Bajraker amari vera!” (**Luka 17:5**)
 - Preku o delo taro Sveto Duho, o prouciba e Biblijatar thaj amaro iskustvo e Devleja,ka saj te zabelezina deka „amari vera bajrovela” (**2 Solunjanite 1:3**)

° Vera thaj cuvstvija

— Dali i vera tani cuvstvo ili racionalno cin?

- O Odgovor ko akava puciba tano vazno. Nane isto te vakerelp e „CUVSTVUINAVA MAN SPASIMO” sar te vakerelp e „CANAVA deka inum spasimo”.
- Ali te pocmina taro pocetok. **Kova tano o poteklo e verako?** I Vera avela taro Devel thaj Ov delala amenge sar dar (**Rimjanite 12:3 – Efesjanite 2:8**).
- Keda pozitivno reagirinaja ki odoja dar – keda pocminaja te praktikuina i vera – adaja vera sozdainela cuvstvija amende sar soj tano o radost, spokojstvo, cuvstvo ko duhovno olesniba i.t.n
- Ali,i samoto vera nane cuvstvo; oj tani „sigurnost” thaj „ubediba” (**Evreite 11:1**). Odova nane nesto so zavisinela taro amaro raspolozejne. Keda cuvstvuinavaman slabo ili cuvstvuinava man deka miro spasenije tano dur, tegani trebela te praktikuinav i najbari vera.

B) SOJ TANI I VERA?

° Definicija thaj razvoj e veratar.

- **Evreite 11:1,3** thaj **6** nudinena amenge po buli definicija bashi vera. I Vera tani tesno povrzimi so amaro koncept e Devlese. Vodinela amen te veruina ki Leste sar Sozdaditeli thaj Nagraduvaci.
- Taro ostatok tari glava, O Pavle istrazinela i vera ko but mursa thaj cuvla kola sluzinena sar primerija thaj ohrabrinena amen te na gubina o srce ci keda acikeraja amari nagrada.
- Sar so diklam, na sarine isi amen isto nivo e veratar. **Sar saj te razvinav i tikni ili i bari vera so isiman la?**

(1) Vezbinen i vera, kozom tej te ovel tikni (Matej 17:20)

(2) Proucinen i Biblija (Rimjanite 10:17)

(3) Molinen tumen E Devlese te bajrakerel la (Luka 17:5)

(4) Ma predainen tumen ki sumna (Marko 9:23-24)

(5) Ma te temelina amari vera vrz i vera javerengi (Matej 25:8)

(6) Odgovorinen bashi O Sveti Duh (Galantjanite 5:22)

(7) Redovno praktikuinen tumari vera (2 Korintjanite 5:7)

° I Vera taro Isus

- Amen o verna kola zivinaja pase ci ko iraniba e Isuseso, razlikuinajamen ko duj buka so mora te „ikjeralen” (Te pocituina thaj te arakalen): O Zapovedija thaj i vera ko Isus (**Otkrovenie 14:12**).
- O Zakoni (Zapovedija) thaj o Evangelie (i vera) tane obedinime. O Poslusnost tano nevozmozno bizo vera, a o veruiba tano nevozmozno bez te ovel amen poslusnost. **Znaci ,so znacinela ,vera ko Isus?**

(1) Te ova poslusna e Isusese thaj Olese Lafese

(2) Te ovel amen svakodnevno iskustvo e Isuseja

(3) Te kera e Isuse centar taro amaro zivoto

(4) Te zivina ko soglasnost amare veraja

(5) Te zasnovina amari vera ko Isus

(6) Te odrazina e Isuse ko amaro zivoto

(7) Te prifatina o daro tari Olesi blagodat

- Odoleja so isi amen i vera ko Isus, amen inam opravdime (**Rimjanite 5:1**), osvetime (**Dela 26:18**) thaj acovaja e Devlese cave (**Jovan 1:12**).